

Caracterización socioeconómica das persoas solicitantes de aproveitamentos forestais

METODOLOXÍA

1. Introducción

O Instituto Galego de Estatística (IGE) dispón dunha base de datos con nome *Base de datos sociodemográfica* onde están todas as persoas que nalgún momento tiveron algunha relación con Galicia, constatada mediante os rexistros administrativos dos que se dispón no IGE: Padrón Municipal de Habitantes, Afiliados á Seguridade Social, Pensionistas contributivos da Seguridade Social, ... Esta *Base de datos sociodemográfica* é unha fusión de rexistros administrativos coa finalidade de ter un sistema de información que conteña datos socioeconómicos da poboación que nalgún momento tivo relación con Galicia. Dispónse do lugar de residencia da persoa e características socioeconómicas como a idade o ano de nacemento, se está afiliada á Seguridade Social en alta, se cobra unha pensión contributiva, etc.

Por outra parte, a Dirección Xeral de Planificación e Ordenación Forestal (DXPF) da Consellería do Medio Rural (CMR) dispón da información das declaracións e solicitudes de aproveitamentos en montes e terreos forestais dispoñibles. Estas declaracións e solicitudes establécense no Decreto 50/2014 do 10 de abril polo que se regulan os aproveitamentos madeireiros e leñosos, de cortiza, de pastos e micolóxicos en montes ou terreos forestais de xestión privada na Comunidade Autónoma de Galicia e o contido, organización e funcionamento do Rexistro de Empresas do Sector Forestal, publicado no DOG nº 86 do 7 de maio de 2014.

Ademais, en xullo de 2022 a CMR, a Axencia Galega da Industria Forestal e o IGE firmaron un acordo de colaboración para o intercambio de datos e información. Este acordo estableceu as pautas que se seguirán na colaboración entre a CMR, a través da DXPOF, a XERA e o IGE para realizar un estudo sobre a caracterización económica e sociodemográfica do monte galego, que permita describir ás explotacións forestais, os seus titulares e a cadea forestal da madeira e, de existir información, doutros recursos forestais

Po último, o IGE e a DXPOF incluíron no Programa Estatístico Anual 2023, aprobado polo Decreto 224/2022 do 29 de decembro, a actividade estatística de periodicidade anual *Caracterización socioeconómica das persoas solicitantes de aproveitamentos forestais*.

2. Obxectivo

O obxectivo desta actividade é analizar as características socioeconómicas das unidades físicas e xurídicas que solicitan aproveitamentos forestais, mediante a unión da *Base de datos sociodemográfica* e os ficheiros das declaracións e solicitudes de aproveitamentos en montes e terreos forestais dispoñibles. Nesta actividade centrarémonos nas solicitudes de aproveitamentos de xestión privada.

3. Ámbitos de investigación

Ámbito poboacional: persoas físicas e xurídicas solicitantes de aproveitamentos forestais de xestión privada

Ámbito territorial: o ámbito territorial está formado polos concellos de Galicia.

Ámbito temporal: anual.

4. Conceptos

- **Residente:** considérase residente a toda persoa física que ten a súa residencia habitual nun dos concellos da Comunidade Autónoma de Galicia.
- **Persoas afiliadas á Seguridade Social:** a afiliación ao Sistema da Seguridade Social é obrigatoria para todas as persoas incluídas no campo de aplicación da Seguridade Social e única para toda a vida do traballador e da traballadora e para todo o sistema, sen prexuízo das baixas, altas e demais variacións que con posterioridade á afiliación poidan producirse. É dicir, o traballador ou a traballadora afíliase cando comeza a súa vida laboral e se dá de alta nalgún dos réximes do Sistema da Seguridade Social. Esta situación denomínase alta inicial. Se cesa na súa actividade será dado/a de baixa pero seguirá afiliado/a en situación de baixa laboral. Se retoma a actividade producirase unha alta denominada alta sucesiva a efectos estatísticos, pero non terá que afiliarse novamente, dado que, como xa se indicou, a afiliación é única para toda a vida do traballador ou da traballadora. Nesta actividade estatística difúndese

información das persoas en alta laboral na Seguridade Social ao longo do ano en curso.

- **Pensións contributivas da Seguridade Social:** son prestacións económicas e de duración indefinida, aínda que non sempre, nas que a concesión está xeralmente supeditada a unha previa relación xurídica coa Seguridade Social (acreditar un período mínimo de cotización en determinados casos, ...), sempre que se cumpran os demais requisitos esixidos. A súa contía determínase en función das achegas efectuadas polo traballador e o empresario, se se trata de traballadores por conta allea, durante o período considerado para os efectos da base reguladora da pensión de que se trate. As clases de pensións son: incapacidade permanente, xubilación, viuvez, orfandade e a favor de familiares.

5. Variables

A variable obxecto de estudo é a poboación solicitante de aproveitamentos forestais en Galicia. As persoas físicas clasificarémolas segundo grupos de idade, sexo, lugar de residencia, afiliación á Seguridade Social, pensións contributivas da Seguridade Social. As persoas xurídicas clasificarémolas segundo o tipo de persoa xurídica en: Sociedade anónima, Sociedade limitada, Comunidade de bens, Asociacións e fundacións, Montes veciñais e Outro tipo de sociedades.

6. Procesamento dos datos

Cando unha persoa física/xurídica solicita un aproveitamento forestal ten que cubrir uns modelos de solicitudes que están establecidos no Decreto 50/2014 do 10 de abril. Nestes modelos requírese unha serie de datos que son os que se van empregar para elaborar esta actividade estatística. En concreto os datos solicitados que se empregarán son:

- Ano da solicitude
- Provincia da solicitude
- Concello da solicitude
- Especie que se vai cortar
- Volume da corta en m³
- N° de pés da corta

- Código do concello da corta
- Referencia catastral da propiedade onde vai facer a corta
- NIF do titular do recurso
- Nome e apelidos da persoa física ou nome da persoa xurídica titular do recurso

Por outra banda, para as persoas físicas a *Base de datos Sociodemográfica* que elabora o IGE contén información das seguintes variables:

- NIF da persoa física
- Concello de residencia da persoa física
- Idade
- Sexo
- Afiliación á Seguridade Social
- Sector de actividade
- Réxime de cotización
- Pensionista contributivo da Seguridade Social
- Réxime de cotización anterior (no caso de que sexa pensionista)

Polo tanto, o que se fai é cruzar estas dúas fontes de datos a través do NIF do titular persoa física dispoñible no ficheiro de solicitantes de aproveitamentos forestais. Con este cruce obteremos as características socioeconómicas das persoas que solicitan os aproveitamentos. Hai que ter en conta as seguintes cuestións:

- Faise unha depuración do código do concello da Corta empregando os datos da referencia catastral e facendo o cruce cos datos do Catastro. Este datos proporciónaos a Dirección General do Catastro ao IGE.
- Faise o cruce dos solicitantes de aproveitamentos forestais cos datos das afiliacións á Seguridade Social para 4 momentos do ano, 31/3, 30/6,30/9 e 31/12. Neste paso hai que ter en conta que un titular pode ter varias afiliacións, nesta actividade quedarémonos coa afiliación na que leve máis tempo de alta.
- Cando se fai o cruce dos solicitantes de aproveitamentos cos datos das pensionistas con pensións contributivas da Seguridade Social a 31/12 de cada ano, hai que ter en conta que un mesmo pensionista pode ter varios réximes de cotización, neste traballo quedarémonos co réxime onde estivera máis anos cotizados.

- As categorías de actividade nas que se divide ás persoas: afiliada á SS, perceptora de pensións contributivas da SS e resto, son categorías excluíntes, e dásele preferencia á estar afiliado/a á SS.

7. Presentación de resultados

Con periodicidade anual os datos difúndense na web do IGE (www.ige.eu) dentro do apartado temático de Agricultura e Pesca.